

FEBRUWARI 2016

**24 Hour Emergency 028 313 8000/8111**  
**Fire Brigade 028 312 2400**

# Bulletin

**Incwadi ethunyelwa amalungu e-Bhunga le Overstrand esesikweni**

## I-SEARTEC-OVERSTRAND CLASSIC GOLF CHALLENGE IQOKOLELE I-R80K ENTLE IYENZELA UPHUHLISO LWABANTWANA ABANCINANE

Inginga eyavela kwingxoxo kaSodolophu waseOverstrand uNicolette Botha-Guthrie, kunye noNozakuzaku woKhenketho, uBob Skinstad, ababenayo kwiminyaka emininzi eyadlulayo yokuba bayihlawula njani ngaphambili kwaye benze umahluko kubomi kunye nendalo esingqongileyo yaseOverstrand kunye nabantu bayo, iSeartec-Overstrand Classic Golf Challenge itha yavela njegeyona mpumelelo iminyaka emibini ilandelelana.

Idlalwe ngoNovemba kulo nyaka uphelileyo kwi-Arabella Country Estate and Golf Club ebukeyayo kwaye ixhaswa yi-Seartec (umhambisi wemveliso yakwa-Sharp) njengomxhasi ophambili kunye no-Spar Retail Group njengomlizi omkhulu. Lo msitho uqokelele ama-R80 000 wonke aya ekuniseni iphulo likasodolophu loyalo-mali elaziwa ngokuba yi-"Nicolette Trust Fund" - eliyinxowa-mali eyenzelwe ukubonelela ngemithombo kumaZiko oPhuhliso lwaBantwana abaNcinane eya kubonelela nezinto ezibalulekileyo khona ukuze kukhuthazwe iimeko zokufunda ezipheleleyo, ezivuselelayo, ezisempilweni nezikhuselekileyo kubantwana abancinane abakhathalelwe ngala maziko.

Ayisukuba eli nyathelo lixhaswa ngokupheleleyo luluntu

lwengingqi kunye nothotho lwabathabathi-ngxathu abaphambili, kodwa likwaxhaswa liSebe loPhuhliso loLuntu.

Xa ebefumana ezi zimali kuBob Skinstad, uBotha-Guthrie uphawule wathi "lo mboniso wobunye ngabathabathi-nxaxheba, abaxhasi, abalizi kunye noluntu ngokubanzi, kwakhona kubonelela ngendlela yokuqinisekisa ukuba abafundisi-ntsapho, abaqeqeshwa kunye nezixhobo ezibalulekileyo kweli nqanaba lisisiseko zemfundo liya kufumana ingqaleli edingekayo kunye nemithombo efanelekileyo. Ndiulela ngokuzenzisiyo kwi-Seartec kunye nabo bonke ababandakanyekayo."

Ephendula kwizibongo zikaSodolophu, uSkinstad, nowayenguKhaptani weSpringbok, ukhwence ngelithi: "Ngoku nje ndithabathe umhlalaphantsi kumboxo, ndizibandakanye nokudlala omnye umdlalo endi-wuthandayo nendiwuqalasele njegeyona ndawo intle kwiKapa. Kwaye okona kungcono kukuba sizamele ukuqokelela imali evakalayo sisenzela injongo ebaluleke kakhulu. Ngoku ke oko kungqalile!"



**USodolophu waseOverstrand uNicolette Botha-Guthrie, evuyela ukufumana itshelki kowayesekuba nguKhaptani weSpringbok kunye noNozakuzaku woKhenketho, uBob Skinstad, yezimali ezifunyenwe kwi-2015 Annual Seartec-Overstrand Classic Golf Challenge ebibanjelwe eArabella Country Estate and Golf Club ngowama-20 Novemba kulo nyaka uphelileyo.**

## IHAWSTON IZA KULONDOLOZA IINTSOMI NAMABALI ASEOVERSTRAND AMANDULO

Inqatsini yelanga ayiluthibazanga uvuyo lwabo bebezimase ukusindlekwa kweNyathelo leMbali ngoMlomo ngumPhathiswa waseNtshona Kapa wemiCimbi yeNkcubeko kunye nemiDlalo, uAnroux Marais, kwiZiko iTshusong eHawston ngoLwesihlanu we-4 Disemba 2015.

Inginga ngeli nyathelo kukuhlanganisa amalungu ahlukeneyo esebe ngokuthi ashicilele amabali oluntu olwahlukeneyo oluthe saa yonke iNtshona Kapa. Lo msebenzi uza kunika ithuba amalungu oluntu lwengingqi, kuqakha namagqala emidlalo, ithuba lokuba bangabelani nje ngamabali abo buqu phakathi kwabo kodwa bathabathe ezi nkumbulo zibaluleke kangaka nezithwele umongo wezi dolophu zibandakanyweyo zizibophelele kumabali eziganeke zembali. Kwelinye icala, liya kunika ithuba abantu boMzantsi Afrika nehlabathi ngokubanzi, ukuba bafumane ukuqonda iinkcubeko ezininzi nezahlukeneyo ezenza i-Rainbow Nation.

Ngosuku lomsihlo, umPhathiswa Marais kunye noSodolophu waseOverstrand, uNicolette Botha-Guthrie, baye bamkelwa liqela lomculo wenkcubeko elidlamkileyo nelitsala umxhelo elibhexeshwa yi-Siyazama Dance Group equlathe uthotho lolutsha oluqabukileyo olunxibe isintu elivela kwisithili. Emva koko, loo ndimbane itha yatendwa ngothotho lwembongo, iintsomi kunye namabali esenziwa ziimbongo kunye namagqala engingqi. Umbongo kaWilliam Stukkie othi "n Stukkie Brood" utsale umxhelo wakhe wonke ebelapho ngomyalezo obuhlungu wokwabelana kunye nokuhlangana. Nebali lotitshala wesikolo samaBanga aPhantsi saseHawston, uJuffrou Gladys, lokusweleka komhlali omdala nothe



**Abafotwe benikezela ngeepowusta eziqingqiweyo ezithi "What's your Story?/Wat's jou Storie?" kumsindleko weNyathelo leMbali ngoMlomo eHawston ngumPhathiswa waseNtshona Kapa wemiCimbi yeNkcubeko nemiDlalo uAnroux Marais, kunye noSodolophu, uNicolette Botha-Guthrie (phkathi), bengqongwe ngabazuzi (o.k.t. amagosa kamasipala, abasebenzi bethala leencwadi kunye namalungu oluntu waseHawston).**

ngexesha lomlindo wakhe, wafunyanwa ehleli ethe nkqo endaweni yokuba abe kwimo eleleyo njengoko kulindeleke kwisidumbu.

Ngaphambi kokuba azise umPhathiswa kwabo bebezimasile, uSodolophu uBotha-Guthrie ugxinise ekubeni ingqinelana kangakanani into yokusindleka lo msitho eHawston, ngakumbi kuthe kwakho uthotho lwamawonga anikwe ithala leencwadi kutsha nje. Uthe iwonga lokuba "leLona Thala Leencwadi liGqwesileyo: iinkonzo zoLutsha" elifunyenwe lithala leencwadi laseHawston kumsitho wokuWongwa kwezeNkcubeko wango-2014/2015 libalasele njengolona thuba lokuzingca. Utsho esithi "Siyakucamnga kakhulu ukubaluleka kokuphucula

nokuphuhlisa amathala eencwadi ethu nanjengoko lenkonzo ingenakulinganiswa kunye nesitishi sokulathisa sidlala indima enentsingiselo enkulu ekuphuhliseni abantwana bethu, kunye nokuthundeka ingqiqo kuluntu lwethu ngokubanzi".

"Nanjengoko sele nivile ngaphambili, kukho ubutyebi bezinto eziqingqiweyo kunye nezikhumbuzo zembali ezigcinwe kwindlu endala kaAnti Doris. Siyathemba ukuba oosomashishini bengingqi bekunye neearhente zikarhulumente ezichaphazelekayo ziya kuncedisa ekuphumezeni iphupha lokuseka iMuziyamu yoLuntu engokuLoba yaseHawston khona ukuze kugcinwe obu butyebi bungenakuxatyiiswa," utshilo uSodolophu.

Kwintetho yakhe ephambili, umPhathiswa Marais uthe wabongoza lonke uluntu olukwimida yase Ntshona Kapa ukuba lwabelane ngamabali alo kuma thala eencwadi athabatha inxaxheba ekufezekiseni le njongo. "Ngelixa sikhuthaza ukubumbana koluntu ngokwabelana ngamabali abo, singaqinisekisa ukuba imbali namava abantu agcinwa ephila eluntwini, naseburhulumenteni, khona ukuba eze isizukulwana esizayo sazi kwaye sibhiyozele ilifa lemveli labo," utshilo uMarais. "Ngaphandle koku, yeyiphi enye indawo engasinika amabali akhethekileyo kweziko afana neli silive apha ngaphambili lesiporo esihlala nkqo kumlando waso," ukhwence njalo umPhathiswa.

Umsitho uqukunyelwe ngokuthi umPhathiswa ekunye noSodolophu banikezele ngeeposta eziqingqiweyo zaze zarhaswa ezithi, "Lithini ibali lakho" kubadlali-ndima abangundoqo kunye nabaququzeleli baseHawston badlala indima yabo kule projekthi ukubanika imbeko ngegalelo neenzame zabo.

# I-BIGBLUE(S) IHLAZIYIWE

Umnyhadala waseKleinmond ngoku uhlala ukho kwiMenyu yeHolid zePasika

Emva kweseshoni yocwangciso ebizwe ngabaquzeleli bomNyhada i-Big Blues, isigqibo kwafikelelwa kuso soku-guqula ebekujoliswe kulo mnyhadala ukusuka kwinko-sathi ye-Blues ukuya kubhiyozela izinto ezingumtsalane, imveliso nemicimbi ekhethekileyo yedolophu. Kwangaxeshanye, kuvunyelwe ekubeni lo mnyhadala uya kusindlekwa ngesithuba sexesha leeholide zePasika xa idolophu idla ngokut-sala uthotho lwabatyeleli bengingqi nabamazwe ngamzwe.

Ngenxa yoko, lo mnyhadala kwixesha elizayo uya kwaziwa njenge-BigBlue - engekho u-"s" - kwaye uza kujolisa eku-baluleni zonke izinto ezingumtsalane kunye nemithombo ebiphawulwe kwisicwangciso sentengiso.

Ukucaphula umququzeleli uMnu Joe Lategan, "Sicwangcisa ukusindleka umnyhadala onemiboniso emincinane emininzi - omnye omele zonke iinkcubeko, iminyaka yobudala kunye nesini. Abatyeleli abasayi kukwazi nje kuphela ngobume bendalo esingqongileyo ekhethekileyo kunye nobunye ubutyebi obuvalelwe kuBukumkani beeNtyatyambo zaseKapa, baza kufumana ithuba lokuzitika kwizimuncuncu zethu kwaye batsho bafumane ububele bethu buqu".

*Ngolwazi oluthe vetshe ngomnyhadala i-BigBlue tsalela uMadelain Coetzee 028 271 5657.*

## IKONSATHI YE-VALENTINA



uZappa noMainolfi

Isibini esivunywewo uZappa-Mainolfi sizimisele ukuyolisa kwakhona abaphulaphuli babo baseOverstrand ngegqwesileyo ikonsathi ngeCawa ye-14 Februwari! Bedyusha okwetyeli lesithandathu kwiqonga lethu lengingqi, esi sibini siluncuthu saziwa ngomdyusho ocwangcisiweyo kunye ne-siquatlatho esinambithekayo senkqubo yekonsathi yabo.

Kweli ityeli, inkqubo iquka u-*Sonata for Cello and Piano Op. 119* (C-major) nguSergey Prokofiev; u-*Rondo* ka-Antonin Dvorak (ingoma yekonsathi); u-*Arpeggione Sonata in A min* ka-Franz Schubert kunye ne-*Pezzo Capriccioso Op. 62* nguPeter Tchaikovsky.



overstrand arts • kunst

*Ikonsathi iya kuqala nge-15:30 ngeCawa 14 Februwari kwiOdithoriyamu yoLuntu eHermanus. Amatikiti yi-R120 (R60 abafundij). Bhukisha eBELLINI GALLERY kwezi no-028 312 4988. Tsalela unobhalana uRené du Plooy kwa-082 940 4238 ngeenkukacha ezongezekileyo.*

## NGOKU NJENGOKO SELE UFUNDE UKUTHI "HAYI" KWIZITRO SEPLASTIKI, KUTHENI UNGAPHINDI UCINGE NGOKUSEBENZISA KWAKHO IZISELO EZISEBHOTILENI?

IOverstrand ikhankasa kakhulu ukuba kubangiswe iplastiki zosetyenziso olunye nakweyiphi na imilo, kwaye kuhlelo lukaJanyuwari lwe-Bulletin, sininike iinkcukacha-manani ezoyikisayo ngokumalunga nokusetyenziswa kwezitro zeplastiki ezilula ukuze nizinike ingqalelo yenu. Kolu uhlelo, siza kubuza imfuneko yokusetyenziswa kweebhotile zeplastiki, kwaye siqwalasele nzulu imbuqe edalwa zizo kunye neentsalela zazo.



NgokukaPlastic SA, eyona nto yesibini exhaphakileyo efunyanwa xa kukocwa amanxweme ziziciko zebhotile zeplastiki, kwaye eyesine kuluhlu, ziibhotile zeplastiki uqobo. Le nto iyoyikisa, ngakumbi xa kuthatyathwa oomasipala abanjengeOverstrand abazama ngazo zonke iindlela ukumisela imiqathango yosetyenziso-zinto ngokutsha ngabathengi khona ukuze kuthintelwe ungcoliseko lwendalo esingqongileyo kungekho phazamiseko kubahlali:

**Konke odinga ukwenza kukufaka ibhotile yeplastiki, isiciko sayo nako konke, kwibhegi eyahlukileyo.**

**Siza kuyithabatha thina kwaye siqinisekise ukuba ilahlwa ngendlela efanelekileyo.**

Kwelo nqaku kanye, khumbula ukuba kungathabatha iminyaka engama-500 khona ukuze ibhotile yeplastiki ibole ukuba ilahlwe etipini. Ukuba itshisiwe, le bhotile iya kuvelisa isixa esiphezu somsi onetyhefu nonobungozi kwimpilo yabantu.

**Nazi ezinye iinkcukacha-mali ezididekisiyo ekumele ziqwalaselwe:**

- Izigidi ezingama-30 zebhotile zeplastiki zosetyenziso olunye ziyahlahlwa mihla le kwihlabathi lonke.
- Ama-27% eebhotile zeplastiki zosetyenziso olunye ebezisetyenziswe ngokutsha e-US ziphelele etipini kwakhona.
- Kwihlabathi jikelele, izigidi zemiphanda yeoyile zisetyenziselwa ukuhlangabezana nemfuneko yokwenziwa kweebhotile zeplastiki zosetyenziso olunye.
- Okulandelayo, sivumele ukuba sabelene nawe ngamanqaku "eebhotile zamanzi":**
- Iibhiliyoni ezingama-50 zebhotile zamanzi ziyathengiswa kwihlabathi lonke ngonyaka omnye.
- Ama-40% amanzi aseebhotileni ngamanzi aphuma etepini.
- Ukuvelisa amanzi aseebhotileni kudinga iindleko zamandla aphindaphindwe ka-2000 kunaxa kuveliswa amanzi etepu.
- Ngenxa yephulo kwihlabathi liphela lokucutha ukusetyenziswa kweziselo ezibandayo ezenziwe switi, ukusetyenziswa kweebhotile zamanzi ezisetyenziswayo lunye kwaye kwanda ngendlela emangalisayo ukuya kwi-10% ngonyaka.

Ngokucacileyo, ukuxhatshazwa kwemalike yeziselo eziseebhotileni ezisempilweni kusishiye - thina luntu luhlalwala irhafu - sisemgicphekweni: ngenxa yokuba emva koko sithi ekumele ukuba sihlawulele ukucocwa kobo bumdaka - ngemali engeyichithwe kwezinye izinto.

**Ngoku nazi iingcebiso:**

- Sebenzisa inkonzo yaseOverstrand yosetyenziso ngokutsha - faka nje ibhotile yeplastiki yakho, isiciko kunye nako konke kwibhegi engenambala yakho, yishiye ukuba iqokelelwe ngosuku olumiselweyo, thina siya kuyithabatha apho.
- Nangona amanzi aselwayo ingawona akhethwayo kuneziselo ezibandayo ezineswekile kunye neejusi eziswiti, ingaluncedo olukhulu kwindalo esingqongileyo, impilo yakho kunye nezimali zakho ukuthenga iibhotile zamanzi ezisetyenziswayo kwakhona zenkcenkce okanye zeglasi ukuze uphinde uzalise ngamanzi etepu okanye ahluziweyo.
- Kwakhona, khumbula ukuba iibhotile zamanzi zeplastiki ezisetyenziswa kwakhona zithanda ukuqulatha i-bisphenol A (BPA), ikhemikhali yokuveliswa engavuzela ekutyeni nakwiziphungo idale umonakalo omkhulu. Ngenxa yoko, ukuphinda usebenzise iibhotile zamanzi zeplastiki, ngakumbi xa zithe zadibana nobushushu, akulunganga ukwenza oko.



Ngamafutshane, ngaphandle kvento yokuba iibhotile zeplastiki zisetyenziswa ngokutsha kungacutha isidingo zemathiriyeli erhwa kwaye kusonga amandla, qwalasela ukuba kungangcono kangakanani kwindalo esingqongileyo kunye nobomi bezilwanyana eziphila elwandle ukuba besinokuthintela iibhotile zeplastiki zosetyenziso olunye ukuba lungene kwisixokelelwano. Ukukhankasela ukungasetyenziswa kweplastiki yosetyenziso olunye, kusemdleni wethu sonke, abantu nezilwanyane, ezibiza iOverstrand ikhaya. Ukuba ungathanda ukunika ingcamango yakho malunga noku okanye ungathanda ukunika ingcebiso, zive ukhululekile ukuqhagamshelana noFiona Matthes ngokumthumelela imeyili ku-fionamatthes@gmail.com.



**Ubhalisa njani ukuze ufumane inkonzo ye SMS ka Masipala? Thumela i-SMS enenombolo ye akhawunti kamasipala namagama athi**

**SMS kule nombolo 082 338 1631** okanye uqhagamshelane nesebe loncedo lwabantu kwifosi yokurhafa ekufutshane kuwe.

